

SAKSPAPIR

Saksnr	Utval	Type	Dato
073/23	Plan- og kommunalteknisk utval	PS	30.08.2023

Saksbehandlar	ArkivsakID
Tore Johan Erstad	23/939

Heimvik hjortevald - Klage over vedtak om fellingsløyve for 2023

Kommunedirektøren sitt framlegg til vedtak:

«Osterøy kommune sitt vedtak av 19.06.2023, sak 206/23, vert oppretthalde. Klagen vert ikkje teken til følgje. Grunngevinga for avgjerda går fram av saksutgreiing og vurdering nedanfor. Saka vert sendt Statsforvaltaren i Vestland for klagehandsaming, jf. Viltlova § 4 tredje ledd, jf. Forskrift om forvaltning av hjortevilt § 36.»

Plan- og kommunalteknisk utval - 073/23

PL - behandling:

Leiar for teknisk forvaltning orienterte i starten av saka om hjorteforvaltning og status for jakttildeling i forkant av saka.

AVRØYSTING:

Samrøystes vedteke

PL - vedtak:

Osterøy kommune sitt vedtak av 19.06.2023, sak 206/23, vert oppretthalde. Klagen vert ikkje teken til følgje.

Grunngevinga for avgjerda går fram av saksutgreiing og vurdering nedanfor. Saka vert sendt Statsforvaltaren i Vestland for klagehandsaming, jf. Viltlova § 4 tredje ledd, jf. Forskrift om forvaltning av hjortevilt § 36.

Saksopplysningar:

Saksopplysningar:

Saka gjeld:

Saka gjeld klage frå Heimvik hjortevald v/valdleiar Tore Heimvik, over vedtak om fellingsløyve for 2023.

Heimvik hjortevald vart gjennom administrativt vedtak av 19. juni 2023, sak 206/23, tildelt 22 løyve til hjortejakta i 2023. Dette var ein reduksjon på 11 dyr samanlikna med 2022. Tildelinga vart gjort ved fråvik av minstearealet med 50 % oppover, jf. hjorteviltforskrifta § 7.

Klagar meiner tildelinga er for høg, og at eit realistisk mål er eit uttak på 7-8 dyr.

I samband med tildelinga av løyve til Heimvik hjortevald, drøfta kommunen det som er tema for klagen. Dette etter innspel frå valdet om at tildelinga for 2022 var for høg. Under bakgrunnen for saka, vart det gitt følgjande opplysningar:

«I brev av 28.03.23 tek Heimvik hjortevald (nr. 26), ved valdleiar Tore Heimvik, opp tidlegare tildeling av hjorteløyve til valdet, og meiner at det er ikkje grunnlag for å tildele 33 løyve per år, som var kvota i 2022. Før dette, i perioden 2018 - 2022, var årleg kvote på 14 løyve.

Bakgrunnen for reaksjonen er opplevinga av dagens bestandstettleik i området, og fellingsresultatet i 2022, der det vart felt 3 dyr av 33 tildelte løyve, som utgjer 9 % av kvota.

I tidsperioden med 14 dyr som årleg kvote, låg felling kring 50 % per sesong, med 36 % som den lågaste (2021) og 71 % som den høgaste (2020), jf. tabell:

År	Tildelt løyve	Felte hjort	Fellingsprosent
2016	14	8	57 %
2017	14	7	50 %
2018	14	7	50 %
2019	14	7	50 %
2020	14	10	71 %
2021	14	5	36 %
2022	33	3	9 %

Med bakgrunn i fellingsstatistikken ønskjer Heimvik hjortevald ein vesentleg reduksjon av løyvetalet for 2023. I dette høvet vert tildelinga av 8 løyve til Kleiveland hjortevald i 2022, trekt fram som samanlikningsgrunnlag og døme på unaturleg skilnad i løyvetildelinga mellom to vald i det same, geografiske området. Valda forvaltar og jaktar i stor grad på dei same dyra, i følge valdleiar.

Forskjellen i tildeling i 2022, utgjorde 25 løyve, der løyvetalet til Kleiveland høgst truleg er det rettaste, også for Heimvik, går det fram av brevet.

Det vert elles vist til kontakt med jaktrettshavarar i Vaksdal kommune, som melder om nedgang av hjort hjå seg (Gammersvik, Grøsvik og Toskedalen). Hjorten på nordre delar av Osterøy trekk på tvers av kommunegrensa, og det er soleis naturleg å inkluderte valda på «vaksdalsida» i vurderinga av bestandsituasjonen i området, i følge valdleiar.

Med bakgrunn i at Heimvik berre tok ut kring halvparten av dyra ved tildeling av 14 løyve, meiner valdleiar at den rette tildelinga for framtida, truleg vil vere under dette løyvetalet.

Grunngjeving for klagen:

I skriv datert 6. juli 2023 er det klagen grunngitt slik:

«Tildeling av fellingsløyve for 2023 er redusert frå 2022 med 11 dyr. Frå 33 til 22. dette samsvarer ikkje med det fellingsgrunnlaget vi meiner er fornuftig. Viser til fellingsstatestikk i perioden 2016 – 2021. Med ein fellingsprosent på 50 av 14 tildelte løyver For 2022 vart det tildelt 33 løyver, og det blei felt 3 dyr. Det tilseier ein fellingsproset på 9.

Etter diskusjon med grunneiger på 109/1 Else M Heimvik og dei andre i jaktlaget er me blitt enige om at eit uttak på 7 - 8 dyr er eit realistisk mål. Totalt 6682 daa teljande areal.

Etter som det ikkje er drift på gårdsbruka på Heimvik har det blitt nedgang i bestanden som beiter her vår, sommar, høst. Antall hjort som holder seg her i vinterhalvåret er noko lunde stabil. Det tilseier eit uttak på 7 – 8 dyr kan være fornuftig. Og fellingsprosent vil nok gå opp.

Har også vert i kontakt med Leiar for vald nr 4630v0027 Ståle Nesse. Kleiveland jaktvald er også uenig i tildeling av løyve til Heimvik jaktvald. Det er dei same dyra som streifer mellom valda , og det vil da føre til for stor nedskyting dersom man skal følge tildelt kvote. Kleiveland har over 8000 daa teljande areal. Dei blei tildelt 8 dyr for 2022. Og det blei felt 3 dyr. Det betyr ein fellingsprosent på under 50.

Har også vert i kontakt med Geir Magne Gammersvik. Leiar for Indre Osterøy Hjortevald. 4628V009 i Vaksdal kommune. Hjorten som holder til i området nord på Osterøy streifar over kommunegrensene og mellom valda. Valdleiar Geir M Gammersvik har også ønske om å redusere løyve i det området som tilhøyrrer Vaksdal. Indre Osterøy Hjortevald har 33000daa teljande areal og 28 tildelte løyver. Antallet dyr som er tatt ut har lagt på 17 dei siste åra.

Dette er også eit område kommunene bør samarbeide om. Slik at det blir ei meir fornuftig tildeling av løyver, og det blir noen lunde lik fordeling på dei forskjellige valda. Med samme antall areal pr fellingsløyve.

Dersom me skal nå målet med høg fellingsprosent må det som er av hjort skytast ned. Og likevel vil det sannsynligvis være løyver att. Dette fører til ein heilt feil avskytingav hjortestamma. På områda nord på Osterøy er det ikkje drift på gardane slik at beiteskader på innmark har noken betydning. Det er heller ikkje beiteskader i utmark.

I Vaksdal kommune sitt område nord på Osterøy er det kun Gammersvik der det er litt drift. Dei tilhørende områdene som Toskedalen, Grøsvik, er det heller ikkje drift på gårdene. Så faren for beiteskader er liten».

Formelt grunnlag/rammer:

- Forskrift om forvaltning av hjortevilt, med Rundskriv M-478
- Forvaltingsplan for hjort for Osterøy kommune, 2022 - 2025
- Forskrift om minsteareal for hjort, Osterøy kommune, Vestland
- Vedtak i Planutvalet i Osterøy kommune, 25. mai 2023.

Vurdering:

Kommunedirektøren meiner at grunngevinga som vart gitt i vedtaket som er klaga på framleis er dekkande. Det vert difor vist til denne i sin heilskap.

I følgje Forskrift om forvaltning av hjortevilt (hjorteviltforskrifta), skal kommunen sitt fastsette minsteareal i gjeldande område, vere utgangspunktet for tildeling av løyve, jf. § 6. Kommunen kan fråvike minstearealet for enkeltvald, oppover eller nedover, med inntil 50 %, ut frå lokal bestands-situasjon, gjeldande utviklingstrekk, skadeproblematikk med meir, jf. § 7. Eit slik fråvik skal gjerast som enkeltvedtak.

Heimvik hjortevald har 6 682 daa som godkjent, teljande areal. Valdet ligg i følgje kommunen si forskrift om minsteareal, i eit område med 200 daa som minsteareal. Dette utløyser 33 løyve, som er utgangspunktet for kvotetildelinga til jakta i 2023.

Kommunen har nytta «50%-regelen» ved tildeling av løyve maksimalt gjennom vedtaket som er klaga på. Dette innebar 300 daa som tidelingsareal, som utløyste 22 løyve.

Dette løyvetalet er òg markert høgare enn kva som tidlegare er teke ut i valdet, men den lågaste tildelinga som hjorteviltforskrifta opnar for, utan å endre minstearealet.

Ei slik endring må eventuelt gjerast gjennom eige, politisk vedtak. Planutvalet har bestilt ei vurdering frå administrasjonen av gjeldande forskrift om minsteareal før jaktseasonen 2024.

Kommunedirektøren vil då teke opp at argumentasjonen frå Heimvik hjortevald, som vert vurdert som klart relevant i ei slik samanheng. I høve til føreliggjande klagesak, vurderer kommunedirektøren at hjorteviltforskrifta ikkje gir rettsleg høve til å redusera løyvet ytterlegare til årets jakt.

Konklusjon:

Med tilvising til saksutgreiing og grunngjeving ovanfor, samt i vedtaket som er klaga på, konkluderer kommunedirektøren med at det ikkje er rettsleg grunnlag for å ta klagen til følgje gjennom ytterlegare reduksjon av kvotetildelinga.

Vidare handsaming:

Dersom Plan og kommunalteknisk utval følgjer kommunedirektøren si tilråding og ikkje tek klagen til følgje, vert saka sendt Statsforvaltaren i Vestland for klagehandsaming, jf. Viltlova § 4 tredje ledd, jf. Forskrift om forvaltning av hjortevilt § 36. Dersom utvalet tek klagen til følgje, vert dette eit nytt enkeltvedtak som skal sendast partane med opplysning om klagerett.